



SORLAK

Meeqqanut Inuusuttunullu Siunnersuisarfik

2015/1

6. februar

2015 anguniagaqarfusoq. Allattoq: Paninguak' M. Kruse. Siulittaasoq, Sorlak.

Ilaasortat aammalu aningaasaliisartugut nunatsinnilu meeqqanik inuusuttunik sullis-sisut tamassi ukiortaami pilluangaaritsi.

Sorlammi ukioq nutaami anguniangaqarnerput nangipparput, suliaasat piviusunnngortitas-sat ilaatigut ilaasortanik isumasioqatigiis-sinerit marluk ingerlatissuagut.



Paninguak' M. Kruse, siulittaasoq, Sorlak.

Februar- marts-mi inuusuttut 16-25 ukiullit inuit qulit ilaasortaniit isumasioqatigiis-savagut.

Nummi:
Tassani qulequtaalluni: "Ullumikkut inuusut-tuunermi ineriartorfusut".

Tasiilami:
Aappaattut ilaasortanut isumasioqatigiinnis-saq qulequtaqassalluni: "Qangatuut avatangiiserput".

Sorlammi 2014 august ataatsimeer-suaernerup kingorna siulersuisut nutaat amerlanerupput. Siulersuisut tamatta nuta-raannaalluta naatsumik oqaatingalugu, inger-lasussannngornikuuvugut, tamannalu aallar-tereerpoq.

Ukiup affangajaa siulleq allaffik sammin-eqarpoq, tassani suliaasat pineqarlutik, aam-malu sorlammi ukiuni tulliuttuni pilersaarutit piviusunnngortitassagut.

Ukioq nutaamiillu nutaarluinnaalluta an-guniangaqarlutalu aallartilluartilluarpugut allaffimmiortaarput peqatigalugu. Tassanilu siulersuisut anguniangaat malillugit ingerlal-lutik.

Pilersaarutigut massakkut malillutigit inger-laqatigiissaagut. Uani qaammammi isumasio-qatigiinneq: "Inuusuttut ullumikkut ineriartorfusinnaasut "piviusunnngortissavarput. Tulliilu aamma ukioq tamaasa pilersaarutini ingerlattakkagut, isumasioqatigiinnerit ilaasortanit ingerlatissuagut.

Takorluukkat ukioq nutaami.
Meeqqanik inuusuttunillu suliaqut malun-nareeraluartut, suli nunatsinni anguniakkagut annerutissallugit siunniupparput.

Sunniuteqarnerput timitaliinnikkut ersertuaan-narpoq, kisianni suli annerusumik tamanna angorusuppara siulittaasutut, soorunalimi siulersuisoqatikka peqatingalugit minnerun-ngitsumillu ilaasortagut.

Qilanaarpugut ukioq 2015 angusaqarfingil-luarnissaa kissaatingalutigu ingerlanissatsin-nik nutaarluinnarmik, aallartereeraluarluta. Suli qilanaaqqillunga kattuffittulli allatut ingerlaaseqarnissarput atungassaqartinneqar-nissarpullu siulersuit angorusuppaat.

Qilanaarpugullu nunatsinni uagutitulli su-lianiaqatigiiffiusut suleqatigilluaqqinnissaan-nut.



Pisussat:

ISUMASIOQATIGIINNEQ 25. FEBRUAR - 03. MARTS NUMMI:

ULLUMIKKUT INUUSUTTUUNERMI
INERIARTORFIUSUT.

MEEQQAT ULLUAT 01. JUNI 2015

MEEQQAT SORLALLU.

KNUD RASMUSSEN-IP HØJSKOLEN JULI 2015

SORLAK HØJSKOLE

SIULERSUISUT ATAATSIMEERSUARNERAT 2015 TASILAQ

SIULERSUISUT ATAATSI-
MEERSUARNERAT

CANADANI IN.I.Y.C.-IP ATAATSIMEEQATIGINERA AUGUST 2015

SORLAMMI SIULERSUISUT
CANADA-MIINNERAT

Normumi uani:

SIULITTAASUMIT **1**

AVIISEERAQALERPOQ **1**

ISUMASIOQATIGIIN-
NEQ **2**

SUKORSERMIT **3**

CANADA-MIINNERMIT
ASSIT **3**

SORLAAP AAQQISSUGAA-
NERA **4**

2015-imut Aningaasartuutitut missingersuut akerineqarpoq

Sorlaap ulluinnarni aqutsisuisa arfininngornermi 07. februar ataatsimiinnerminni 2015-imut aningaasartuutitut missingersuut akuerivaat allannguutitaqartillugu. Tamatuma kingorna Sorlaap aningaasaliiffigineqartarnerani aqutsisuusunut IKIIN-imut missingersusiaq nassinneqarpoq. Taakku nassiusaq qanoq pissanerpaat — tassa apequt.

Isumasioqatigiinneq Nuuk 25. februar - 03. marts

ULLUMIKKUT INUUSUTTUUNERMI INERIARTORFIUSUT

Taamatut qulequtaqarpoq inuusuttut qulit sineriatinneersut Nuummi Søndshjem-imi isumasioqatigiinnissaat. Isumasioqatiginnermi qulequttat pingasut sammeneqassapput: Aningaasanik ileqqaarsinnaaneq. Ilinniariaqqiffisat. Hash, imigassarlu. Sammisassanik ilisimasallit oqalugiartassapput, isumasioqatigiittullu workshop-ertassallutik.

Sammissassat inuusuttuaqqanut pingaarutillit. Inuusuttuaqqap sammeneqartut ilisimaarinerugunigit, imaassinnaavoq ilinniakkamini aallartilluartoq. Inuusuttuarpassuimmi ilinniarunnaarutigisarpaat siunnersorneqarsimaneq, aannagaarniutitorpallaarneq, aningaasatigullu inissisimanerlunneq.

Isumasioqatigiittussat 15-init 26-inut ukioqassapput, isumasioqatigiinnerlu december 2014-imi pisussaasimagaluarpoq, maannali iluatsippoq.

Ataatsimeersuarnermit august 2014-imit assinik toqqorsivimmit.



Ilaasortat nalunaarsornerat

Sorlammi ilaasortaasut, kattuffiugunik peqatigiiffiugunilluunnit, ilisimavaat Sorlaap allaffeqarfianut, eqqortunik paasisutissanik tunniussisarnissartik. Uani pineqarpoq peqatigiiffiup siulersuisuisa aqqi, peqatigiiffik qassinik ilaasortaqaarnersoq, e-mail, siulittaasup tlf. normu. Sorlaap allaffeqarfianit sineriammut paasiniaanartaqaaq, paasiniaagaannilu akineqassanani, imaluunnit peqatigiiffik unissisimasooq, siulersuisulluunnit nikissimasut. Siulersuisut nikikkaangata nalunaarutigipallalaartarisigit uunga: sorlak@sorlak.gl imlt.: Sorlak, postboks 505, 3900 Nuuk.

Aviiseerartaaq

Sorlammi ilaasortaasut, sineriammut siammasimasut, Sorlammi susoqarneranik malinnaatinneqarunik, ilisimasaqarnerulissaput. Ilimasaqarnerulerunillu toqqisisimanerulissallutik. Taamaattumik susoqarneranik malinnaanerulerniassammata, una aviiseeraq pilersinneqarpoq.

Ilaasortat suliaminnik ilanngutassiortarnissaat kaammattuutigineqarpoq. Peqatigiiffissinni kattuffissinniluunnit aaqqissuisimagussi, assitalersukkamik, maanga Sorlaap allaffeqarfianut, ilanngutassassinik nassiusiinnartassaasi. Sorlaap nittartgaattaaq nutarternialerpoq.

Sukorsermit 2015-imi pilersaarutit.

Allattoq: Tim Serritzlev, Siulittaasoq, Sukorseq.

Upernaamut ilaasortanik isumasioqatigiissitsiniarpoq Nuummi pisussami. Tassanilu isumasioqatigiinnissami siunertarineqarpoq ilisimasanik paarlaasseqatigiinnissaq.



Tim Serritzlev


Sunngiffinni ornittakkani malunnarami ilaasortarisat tamarmik sulisuisa assigiingitsunik atugassaritsitaasut, taamaammat assigiimmik sulisunik atugassarititaasussat pitsanngorsaataasinnaasullu aammalu

sakkussanik nutaanik pisarsiffiusinnaasut ujartorlugit.

Upernaamut Kommuunerujussuit sisamani sunngiffimmi susassaqtitsinermi pisortat sisamat, KANUKUKA-miillu ataaseq peqatsigalugit, (SUKORSEQ)-milu ulluinnarni aqutsisut peqatigalugit nuummi isumasioqatigiissapput, tassanilu siunertarineqarpoq, ilaasortat sulisuisa isumasioqatigeereernermi atugassaritsitaasut assigiingitsut aporfineqartartullu siunnersuutillu oqariartuutigineqarsimasut aallaavigalugit, pisortanut ingerlatitseqqinnermi isumasioqatigiinnissaq.

Ukiamut Klubråd-it avannaamiut pikkorissarneqassapput, ilulissani. 2014-mi ukiaanerani kujataarmiut nuummi pikkorissarneqarnerat nangillugu avannaamiut pikkorissarneqassapput. Siunertarineqarpoq ilaasortat klubråd-ii unittoortsinnaveersarneqarnissaat.

Canadamiinnermi febr./marts 2014-imi assit.



Sorlammi allaffissorneq aaqqissuuteqqillugu

Ilisimaneqartutuut, Sorlami allaffeqarfimmi sulisut nikerartarsimaqaat. Tamatuma kingunerisaanik ilaasortat sullinnerat, suleqatinik attaveqatigiinnerit, minnerunngitsumillu aningaasanik aqutsineq, pitsaajunnaarsimalluni.

Maanna allaffeqarfimmi aalajangersimasumik atorfinitsitsisoqarpoq qulaani taaneqartut aaqqinnissaannik suliaqartussamik. Tamassuma saniatigut Sorlammi bogholder-eqarpoq. Taassuma Sorlammiittut aningaasat aqussavai.

Allaffeqarfimmi aaqqitassaaqimmat, ilaasortat naammagittarnissaat paasinninnissaallu kissaatiginaqaaq. Sorlammi allaffeqarfik maanna aalajangersimasumik ammasarfeqalerpoq, tassalu 08.00 - 16.00.

Sorlaap aviiseeraa.

Nr. 1-15

Akisussaasoq: Panínguaq M. Kruse

Aaqqissuisoq: Tungutaq Larsen

Qaammatit allortarlugit saqqummertartoq.

Ilanngutassiat uunga:

sorlak@sorlak.gl

Sorlak

Postboks 505

Nuukullak 4A

3900 Nuuk.

Telefon: 348400

Fax: 348402

E-mail: sorlak@sorlak

**Sorlaap
nittartagaa:
www.sorlak.gl**

*Sorlaap siunertaraa, nunatsinni meeqqanut inuusuttunullu, siunnersuisoqatigiif-
fiussalluni.*

*Sorlak tassaavoq Kalaallit Nunaanni meeqqat inuusuttullu siunnersuisoqatigiif-
fiat. Sorlak 1984-mi pilersinneqarpoq, taamani meeqqat inuusuttullu ataatsi-
moortumik kattuffeqarnissaat anguniarneqarmat, nunatsinnilu meeqqat inuusut-
tullu pisariaqartitaannik aallussisinnaasoqarniassammat.*

*Sorlak tassaavoq Kalaallit Nunaanni siullerpaamik meeqqat inuusuttullu kattuf-
fiat, suliniutigineqarlutillu meeqqat inuusuttullu atugarisamikkut pitsanngorsaaf-
figineqarnissaat.*

**Siulersuisut ataatsimiiffissai
2015 (ullui allangorsinnaap-
put):**

19. februar
15. marts
19. april
14. juni
12. juli
06. septemer

Ullut pingasut sioqqullugit,
oqaluuserisassatut siunnersuu-
tit, allaffimmiut tunniuttas-
sapput.

Ullut marluk sioqqullugit, siu-
lersuisut ataatsimiinneranni
oqaluuserisassat, siulersuisunut

Sorlammi siulersuisut pr. 17. februar 2015

Panínguaq M. Kruse, Siulittaasoq
Qulutannuaq Berthelsen
Paninnguaq Kristensen
Pele Kristiansen
Aannguaq Hansen
Masauna Peary

Ulluinnarni Aqutsisut
Panínguaq M. Kruse
Qulutannuaq Berthelsen
Paninnguaq Kristensen

Sorlaap aaqqissuussaana

Siulersuisut

Sorlaap aaqqissuussaanaerani suleriutsit aalajangersimaqqinnaarput.

**Ulluinnarni aqutsi-
sut**

Sorlammi siulersuisut suliassanik sinaakkusersuisuuput. Taakkulu Sorlammi malittarisassat najoq-
qutarlugit sinaakkusersuipput.

Ulluinnarni aqutsisut suliassat pivisunngornissaannut aalajangiisuupput.

Allaffimmiu

Allaffimmiu ulluinnarni ilaasortanut kattuffinnullu ilaasortaasunut attaveqaataavoq, ataatsimiinner-
ni allattaavoq, ilaasortanut siunnersortaavoq.

Bogholderi

Bogholderi Sorlammi aningaasartuutitik aqutsisuuvoq.